

# Mokgwa wa ho kopa Maemo a hao a Boikobelo ba Tefo ya Lekgetho

- **5 Hlakola 2021** - Jwale o ka [kopa Maemo a hao a Boikobelo ba Tefo ya Lekgetho mona](#)

Hlokomela: O ka kopa Maemo a Boikobelo ba Tefo ya Lekgetho (TCS) bakeng sa ho itseng (mohlala: Thenda) inthaneteng ka tsela ya [eFiling](#)

## Mokgwa wa ho kopa Maemo a hao a Boikobelo ba Tefo ya Lekgetho ka eFiling

Hang ha o se o bohile "My Compliance Profile" ya hao, o ka kopa Maemo a Boikobelo ba Tefo ya Lekgetho ka:

- Ho kgetha kopo ya Maemo a Boikobelo ba Tefo ya Lekgetho le mofuta wa TCS eo o batlang ho etsa kopo ya yona. O tla ba le boikgethelo bo latelang:
  - Ho ba dibukeng tse ntle tsa tefo ya lekgetho
  - Thendara
  - [FIA](#) - Alawense ya Matsete a Matjhabeng (Batho ka bomong ba bona feela)
  - Tsa bofalli (tsa batho ka bomong ba bona feela)
- Tlatsa kopo ya Maemo a Boikobelo ba Tefo ya Lekgetho mme o e nyehela ho SARS.

**Keletso ya Bohlokwa:** Sheba [dikopo tsa FIA le Bofalli](#) ha o batla lesedi le leng le mabapi le ditokomane tse ding tsa tshehetso tse hlokehang.

Balefalekgetho ba seng ba falletse mme ba batla ho etsa phetiso ya 'Emigrant's Remaining Assets' (eo pejana e neng e tsejwa e le 'Blocked Funds') ka mora la 01 Tlhakubele 2021 ba lokela ho kopa TCS ya FIA ka eFiling. Ha o etsa kopo ya TCS e mabapi le FIA, diphetiso tsena di tlameha ho sebetswa jwalo ka phetiso efe kapa efe e nngwe ya tjhelete mme molefalekgetho o lokela ho etsa boikgethelo bo amehang ba 'Source of capital to be invested'. Boikgethelo ba 'Emigrant's Remaining Assets' ha bo sa le teng ho eFiling.

Hang ha kopo ya hao e tjhaetswe monwana ke SARS, o tla fuwa maemo a kakaretso a boikobelo ba tefo ya lekgetho mmoho le PHINI. O ka kopa ho romellwa PHINI ena ka SMS mme o ka e boha deshbotong ya "Tax Compliance Status Request" deshbotong e profaeleng ya hao ya eFiling. PHINI ena e ka nna ya printuwa e le lengolo la dipheho tsa TCS.

**Keletso ya Bohlokwa:** Ho tla ntshuwa PHINI ka nngwe e ikgethang bakeng la kopo ka nngwe eo o e etsang.

## PHINI ya Maemo a Boikobelo ba Tefo ya Lekgetho

PHINI e o neha tsela ya ho fana ka tumello ya hore mokga wa boraro o bohe Maemo a hao a Boikobelo ba Tefo ya Lekgetho inthaneteng ka eFiling.

Hang ha o se o fane ka PHINI ya hao mokgeng wa boraro, PHINI eo e tla kgontsha mokgatlo o amehang kapa lefapha la mmuso ho boha maemo a hao a jwale a boikobelo ba tefo ya

lekgetho inthaneteng. E tla ba neha setshwants'ho sa hao ka kakaretso sa boikobelo ba tefo ya lekgetho sa letsatsi leo le nako eo papisong le sa ka nako e fetileng ha o ne o fuwa PHINI. Ho sireletsa sephiri sa lesedi la molefalekgetho, ha ho lesedi le leng ntle le lena le tlang ho fumaneha.